

蔡忠惠公文集



宋端明殿學士蔡忠惠公文集卷十九

清裔孫

仕舛諡霞甫
廷魁經五甫

校梓

書疏

乞戒勵安撫使書

朝奉郎秘書省著作佐郎充館閣校勘臣襄謹昧死
再拜上書尊號皇帝陛下臣伏觀臨遣使臣循行郡
國臣竊謂人主宅中國居法宮而使幽遐異域風謠
日尚冤隱沈抑無一不陳於前者其道何哉託聰明
臣下故也人主知其所託之爲難明賞罰以馭之

訓既明則臣下不敢蔽欺而聰明無所壅也今天
之俗至有鉅室富家兼并貨財作爲奢靡超踰法
一通人吏欺轢愚弱而貧者父子轉流無養生送
死具不幸孤獨廢疾不得終其天年州縣吏旣不
恤過豪強矜哀窮厄而又侵牟漁奪不識休已或
矜昏耄無所是非或依倚權勢壞裂公法其卓然
晉狀可指數也監刺之官大率以寬紓舍隱爲良
發一姦賊衆輒指目以是須其自敗乃始糾擿或
所思慮垂敗之人亦加意覆藏使得脫去甚哉茲

如此監司之設僅與無同欲百姓之無害其可得
吏之偷苟姑息寢以成俗頃年遣使安撫諸郡比
其還奏薦舉雖多而蠹暴不察是徒取善譽而空厥
也夫收材選能誠爲治之首務然惡吏不除窮民
不恤有使之出不若無出之愈徒使郡國之民交口
議曰是舉也特與被遣之人爲榮進梯綆耳豈有
於吾民哉臣竊見漢武帝遣謁者博士分巡天下
問孝悌力田鰥寡孤獨賜帛有差獨行君子遣詣
在而治苛者奏舉又唐太宗遣杜淹巡關內諸州

御府金贖貧民男女自賣者還其父母其後又遣
還良等二十二人以六條巡察四方黜陟官吏臣
觀古之遣使皆務恤窮民除惡吏舉材能收滯逸

已請

一作以諸

使者所至之郡存問鄉里其孝行著聞

及年八十九以上鰥寡篤疾依漢故事量予布帛
卹貧無所養而有男女僦傭於人償其餘直而追還
之若爲僧尼僧年四十尼年三十以下竝除其籍而
免養更無此等子孫官給餼糧責任親黨鄰里養之
以沒其齒孤獨者戒勅所養之家務全其生冤結無

告使者擇吏而治其曲直力行篤學衰老淪滯表之
以勸風俗郡縣吏治績可稱條例其狀顯褒其尤者
貧墨腥聞卽令責訊材不任職於其職之相倫者易
之或雖潔廉而違法慘刻及年七十以上昏耄而不
知退者或以名聞願一切罷之其官吏貪墨因使撻
發監司之官素所不糾隨而坐之卽使者不糾異日
傾敗事在使者循行以前并使者坐之伏唯陛下垂
意生民而恩澤未大洽於下者蓋督責官吏未盡其
道也方使者之行因幸嚴賜告諭令其畢力推揚德

音以致於下究悉利害庶有補於政治毋徒使郡縣
供具吏民遮列道途迎候往來重爲此紛擾也狂愚
之言願陛下省覽財擇天下幸甚幸甚臣昧死再拜
謹上

言增置諫官書

臣伏見朝廷選用王素余靖歐陽修等增備諫官是
三人者皆特立之士昔以直言觸忤權臣擯斥且久
今者一日竝命人無賢愚萬口相慶皆謂陛下特發
神斷擢任不疑蓋陛下深憂政教未舉賞罰未明羣

臣之邪正未分四方之利害未究故增耳目之官以
廣言路此陛下爲社稷生靈大計也臣竊思任諫非
難惟聽諫之難聽諫非難惟用諫之難如素靖修等
忠誠剛氣著信於人况蒙陛下獎拔之知必能箴闕
政獻明謨擿回邪擊權倖思所以報効也然邪人惡
之必有禦之之說不過曰某人也好名也好進也彰
君過也或進此說正是邪人欲蔽天聰不可不察臣
請爲陛下陳之一曰好名夫忠臣務盡其心事有必
須切直者則極論之豈顧名哉若避好名之毀而無

所陳施則土木其人皆可備數何煩陛下選揀如此
之至況名者聖人以之勵世俗分善惡豈可廢乎借
使爲善近名陛下試思今之人遠權利敦潔行以近
名者亦有幾人哉二曰好進前古諫臣之難者每遭
一作庸主昏世上犯嚴威旁觸勢要鼎鑊居側斧鑕在前
死且不瞬一作死安得好進乎蓋近來諫官進用太

速故世人咸以謂之好進今諫官有盡忠補闕之効
陛下但久任勿遷使其人果忠且義雖死於是官亦
無恨矣三曰彰君過凡諫諍之臣蓋以司乎過舉也

緩則密疏急則昌言期於必正若人主從而行之適以彰乎納諫之美安得謂之彰過乎然諫官亦有好名好進彰君過者異於此巧者之爲諫臣事之難言者則暗而不言擇其無所忤者言之就令不行復再議退而曰某事我嘗言之矣此可謂之好名也容容默默無所恥媿踐歷資序以登貴仕此可謂之好進也凡人主之有過諫官最爲近密或不盡言人主何從而知且變更乎傳之當世垂之於後終以爲過此可謂彰君過臣向之所論乃忠與巧者之分願賜省

夏今陛下出於聖慮擢官必自主之若有陳述於理
適當卽賜施行無使天下之人謂朝廷有好諫之名
而無好諫之實使其言有激一作許切亦願優假無爲
姦邪構間致有斥逐使天下之人指朝廷有拒諫之
失也臣迹遠言近不任兢惶激切之至臣褻昧死再
拜謹上

論東南事宜疏

臣近者蒙恩賜告歸覲父母臣出宋都歷淮上絕江
而南出東吳之域縈委千里臣潛度事勢周問民隱

以爲寒心者請試陳之願陛下少賜清閒之宴而垂
聽焉臣竊以天下治平之日已久東南列郡城池隳
圯士卒必少府無完兵廩無儲粟內無戒守之備外
無維制之具道路人之所共知此其尤可憂者蘇秀
杭越等數州頻年以來旱澇更作稼穡不登竊疫仍
起貧者流轉溝壑居者連病喪亡相屬苦哀之聲痛
貫人骨雖朝廷屢行賑恤然渥澤之施未能周及今
歲春夏不雨野田半蕪前秋之期居可知矣吳民踰
恆災患之變亦一極也臣竊觀前古兵革之興多緣

儀平姑

一作如

此苟生相與爲盜及其勢盛制脅郡縣

漢唐之世終爲邦梗而况姦雄豪傑覘伺釁隙須時

而發此不可不虞也易萃卦之大象曰澤上於地羣

君子以除戎器戒不虞訟者曰聚而無防則生衆心

今有珠玉之貨納于府藏勅主守吏嚴其扃鑰常若

寇至而地方數千里生民數萬族乃忘保固之術謹

其細而遺其大臣未見夫長畫也借使浙東饑病之

餘克突一人嘯聚百數草竊閭巷臣未知以何郡兵

卒而能制其死命乎誠以東南之勢爲不足患臣恐

天下之患正生於不足患矣當今之策莫若擇郡守
寬民力募兵卒嚴盜法四者最爲急務一曰擇郡守
臣謹具錄諸州軍長吏姓名年齒所爲績狀伏望陛
下諮問宰臣令議其材否而更易之使材足以應變
而惠足以利民然後可倚以爲重也二曰寬民力莫
若蠲賦稅均借貸省配斂賑流移所謂發於國而藏
於民也三曰募兵卒臣謂因此饑歉頗易招置太凡
吾民軟弱不便高寒不知騎射驅以備邊非可速用
臣請權罷寄招禁軍於兩浙重鎮量多少之數各令

召募教習以備寇盜亦東南一勝勢也四曰嚴盜法
臣竊見頃年亦緣饑旱強劫盜賊多蒙寬貸實小惠
而大害也臣願申勅兩浙災傷州軍應有賊盜一準
法令無所矜宥密戒提點刑獄臣僚如有因饑劫盜
應死而情有可矜者卽詳度以聞刑罰不失厥中亦
以遏兇人之慮也夫未形之言難於信用旣形之言
無逮於事臣之狂愚非能造幾而辨徒以見聞過爲
慮度願陛下采而行之臣不勝惓惓懇懇之至謹衡
州附遞以聞臣襄昧死再拜謹上

乞罷減降疏

臣伏觀比年以來盛夏之月陛下親慮京師繫日令
天下負罪者減降便從輕典此蓋陛下嗟憫元元重
罹禁網冒炎暑之苦而處狴犴之下天衷惻然下寬
大之詔實羣生之厚幸也臣愚無智慮不能識天地
無垠之施而竊有惑焉臣聞古先帝王躬慮獄囚皆
以決疏一作訴冤滯非特專宥過戾也迨隆冬緣亢旱

則或行之非一定而不易之制也向者國家行之比

三年矣編戶之民習蹈前事咸

一此下
有知字

指時月輕觸

憲度豈非履行之乃滋而爲弊夫法者天下大公之

本也故罪有小大法有輕重今所麗

一作泣

者大罪而

所處者輕法以非其罪耶雖輕法不得施安在降其
等乎誠當其罪耶重法尚不足以禁顧輕之何以革
小人之心而驅之嚮善哉國家每郊禮必大赦貸民
之罪固不鮮矣又仍歲有疏汰減降之制臣謂貧弱
者多負冤而富強者多蒙宥爲惠甚小而其蠹甚大
非有補於治體也伏望陛下參前古之制極當今之
弊罷減降之詔而責天下州郡吏審辨獄情而無八